



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiæ

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

S. Greg. IIII. a quo Festiuitas Omniu[m] Sanctorum instituta. c. XVI.

urn:nbn:de:hbz:466:1-38397

S. GREGORIUS IIII.

a quo

Festiuitas Omnium Sanctorum instituta.

Gloria, enim, hac est Omnibus sanctis eius, Psal. 149.

Cap. XVI.

SVb precedenti imagine, eodem planè Pontificis habitu, tabulam lapideam manibus tenentis Omnium Sanctorum archetypo decoratam, conspicitur S. Gregorius IIII. qui prædecessorum suorum vestigijs insistent, ut fuit uir modestissimus, sui populi commoda mirum in modum dilexit, diuites in officio continuit, pauperes paup, excitauit afflictos, errantes in uiam salutis reduxit, ecclesias resarsit lapsas, uocatos in sortem Domini fide stabiluit, multaque laude digna, & Ecclesiæ profutura gesserunt. Inter quæ anno 835. Festum Omnium Sanctorum in capite Calendarum Nouembrium, à fidelibus per totum mundum celebrari præcepit, officioque proprio, quod ipse composuit, decorauit; ut quicquid humana fragilitas, per ignorantiam, uel negligentiam, seu per occupationem rei secularis, in solennitate sanctorum minus plenè peregerit, in hac sancta obseruatione solueretur, quatenus eorum patrocinijs protecti, ad superna polorum gaudia peruenire valeamus: ut inquit B. Rabanus ex monacho Archiepiscopus, qui hanc solennitatem, referente Platina, tam oratione soluta, quam versu maxime celebrauit. Huius item Gregorij opera, à auctoritate, cum Saraceni, irruptione in Siciliam facta, eam occupassent, Gregoriopolim intra Romanæ Urbis suburbium anno 830. contra eorundem incursiones ædificare cepit, quam ablatam solenniter dedicauit anno 836. & bello in Africam per Coris Principem illato, domum se ad sua tutanda recipere omnes regie, scripsit epistolas aliquas, quarum una excusa est in 2. tom. epistol. Decret. Romæ anno 1591. Excessit è uita die 8. Cal. Februarij. Sigebertus in chronico: Platina in eius uita: Rationale diu. offic. lib. 7. c. 34. Joannes Beleth, c. 127. & alij multi.

QQ

S.PA-